



Në bazë të nenit 7, alineja 9 të Ligjit për themelim të Agjencisë për përkrahje financiare në bujqësi dhe zhvillim rural (“Gazeta Zyrtare” e Republikës së Maqedonisë nr. 72/07 dhe 5/09), Agjencia për përkrahje financiare në bujqësi dhe zhvillim rural shpall

THIRRJE PUBLIKE nr. 0 2 / 2 0 1 3
për dorëzimin e kërkesave për shfrytëzim të mjeteve nga Programi për përkrahje financiare të zhvillimit rural për vitin 2013

I. LËNDA E SHPALLJES

Lëndë e kësaj shpallje është ndarja e përkrahjes financiare për masat në vijim:

Kodi i masës	Emri i masës	Vlera maksimale e shpenzimeve të pranueshme
321	Përmirësimi i kualitetit të jetës në mjediset rurale	Deri më 20.000.000,00 denarë
1	Investime në infrastrukturën rrugore lokale (duke përfshirë edhe urat) për lidhjen e dy ose më shumë fshatrave në largësi deri në 5 km.	
2	Investime në infrastrukturën rrugore lokale (duke përfshirë edhe urat) për lidhjen e fshatrave me rrugën rajonale ose me vendbanimin – qytetin në largësi deri 7 km.	
3	Investim në sigurimin e infrastrukturës së telekomunikacionit në vendbanimet – fshatrat me numër të banorëve deri 500 në pajtim me regjistrimin e fundit të popullatës dhe amvisërive në Republikën e Maqedonisë.	
4	Investime në sisteme për furnizim të ujit dhe kanalizimit në vendbanime – fshatra deri në 1500 banorë në pajtim me regjistrimin e fundit të popullatës dhe amvisërive në Republikën e Maqedonisë.	
5	Investime në objekte dhe pajisje për organizim të shitjes së prodhimeve bujqësore më mjediset rurale.	
6	Investime në objekte dhe pajisje për organizim të shitjes së bagëtisë në mjediset rurale dhe për përshtatje të tregjeve ekzistuese për bagëti në pajtim me ligjet nga fusha e veterinarisë.	
7	Investime objekte dhe pajisje për qendrat kulturore për fëmijë, të rinj dhe/ose pensionistë ose të klubeve në vendbanime – fshatra.	

II. TË DREJTË PËR SHFRYTËZIMIN E MJETEVE

Të drejtë për shfrytëzimin e mjeteve kanë subjektet në vijim, edhe atë për masat:

Subjektet	MASA
Njësitë e vetëqeverisjes lokale – rajoni rural dhe Njësitë e vetëqeverisjes lokale në territorin e së cilës gjendet mjedisi rural për të cilin dedikohet investimi.	321



III. SHUMA E PËRKRAHJES FINANCIARE

Mjetet janë të dedikuara për investime për furnizim të mjeteve të reja themelore, harxhime operative në lidhje me mjetet e furnizuara dhe harxhime të tjera të parapara me Programin për përkrahje financiare të zhvillimit rural për vitin 2013.

Përkrahja financiare për masën 321 është 100% nga shuma e shpenzimeve të pranueshme, mjetet me kërkesë të shfrytëzuesit mund të ndalen në lloj të pagesës avance në shumë prej 20% të vlerës së shpenzimeve të lejuara të pranueshme ose në pajtim me fazat e realizimit të investimit në bazë të situatave kohore nga mbikëqyrja ose dokumentacionit për furnizim të pajisjes.

Përkrahja financiare për masën 321 u paguhet shfrytëzuesve të cilët më herët kanë paguar pjesën nga vlera e investimit që ka të bëjë me harxhimet e papranueshme (duke përfshirë edhe tatimet) të operatorit ekonomik me të cilin kanë lidhë marrëveshje për furnizime publike për investimin e caktuar

IV. KUSHTET PËR SHFRYTËZIMIN E MJETEVE DHE DOKUMENTACIONI I CILI DUHET TË DORËZOHET

Një shfrytëzues dorëzon kërkesë origjinale për secilën masë. Një shfrytëzues mund të dorëzojë një kërkesë për shfrytëzim të përkrahjes nga kjo masë.

Njësitë i vetëqeverisjes lokale pas nënshkrimit të marrëveshjes për përkrahje financiare me APFBZH, janë të obliguar të realizojnë procedurë tenderuese për investimin e planifikuar në pajtim me Ligjin për furnizime publike.

Kushtet të cilat duhet ti plotësojnë kërkesit e mjeteve janë përcaktuar në Ligjin Programin për përkrahje financiare të zhvillimit rural për vitin 2013, Rregulloren për kriteret më të përafërta për zgjedhje të shfrytëzuesve për masat për zhvillim rural dhe Rregulloren për kushtet shtesë më të përafërta për përkrahjen nga masat për zhvillim rural, shpenzimet e pranueshme dhe shuma e përkrahjes për shpenzimet e pranueshme për shfrytëzues për masë veç e veç.

Kërkesit të cilët kanë plotësuar kushtet për shfrytëzimin e mjeteve për masat rangohen me pikë të përcaktuar në Rregulloren për kriteret më të përafërta për zgjedhje të shfrytëzuesve sipas masave për zhvillim rural.

V. MARRJA E FORMULAREVE DHE UDHËZIMEVE

Formulari – Kërkesa për shfrytëzim të mjeteve së bashku me listën e dokumenteve të nevojshme dhe Udhëzimin e shfrytëzuesve mund të merret në ueb faqen e Agjencisë www.ipardpa.gov.mk, dhe në qendrat më të afërta rajonale ose njësitë e punës së Agjencisë për nxitje të zhvillimit në bujqësi çdo ditë pune prej ora 8:30 deri në ora 16:30.

Formularët e lartpërmendur mund të merren edhe drejtpërdrejtë në Agjenci në adresë:

Agjencia për përkrahje financiare në bujqësi dhe zhvillim rural,
Bul. "3-ta Makedonska Brigada" nr. 20
(ndërtesa e Makedonija Tabak bloku C)
1000 Shkup

VI. MËNYRA E DORËZIMIT TË DOKUMENTEVE

Kërkesat e plotësuara për shfrytëzim të mjeteve nga Programi për përkrahje financiare për zhvillim rural për vitin 2013 në gjuhën maqedonase së bashku me tërë dokumentacionin e duhur dorëzohen në zarf të mbyllur me shënim në këndin e majtë lart të anës së përparme të zarfit "MOS HAP" për Thirrjen publike nr. 02/2013 dhe shënimin e shifrës së masës/nën sektor për të cilën dorëzohet kërkesa. Kërkesa mund të dorëzohet përmes postës ose personalisht në arkivin e Agjencisë, në të kundërtën Agjencia nuk merr përgjegjësi për humbjen apo hapjen e parakohshme të kërkesës.

Afati i fundit për dorëzimin e kërkesave është **03.07.2013**. Kërkesat e dorëzuara pas afatit të paraparë nuk do të merren në shqyrtim.

Informata më të hollësishme në kontakt tel. (02) 3097-460 ose në kontakt e-mail adresën: ipardpa.info@ipardpa.gov.mk dhe në ueb faqen: www.ipardpa.gov.mk.

Kontakt:

Agjencia për përkrahje financiare në bujqësi dhe zhvillim rural, Sektori për lejim të projekteve.

Telefoni **02 3097460**, çdo ditë pune prej ora **10.00** deri në ora **16.00**

e-mail ipardpa.info@ipardpa.gov.mk